

C V D

A T G G

1 6 1 1



Handwritten text in red ink, possibly a date or number, mostly illegible due to fading and damage.

Handwritten text in dark ink, possibly a date or number, mostly illegible due to fading and damage.

*Libb. med. 14to
2 H. 23. V.*



56
Ein Regiment:

Wie man sich vor der Newen Plage/
Der Englisch schweis genant/ be-
waren/ Vnd so man damit ergrieffen
wird/ darynn halten soll/ Durch

Kurcium Cordum/ Der

Artzney Doctorem

vnd Professo-

rem zu

Warpurg.



es Gm B. 113 es

Das ist die erste... von...

...der... in...

...der...

...der...

...der...

...der...

...der...



Den Erfamen weisen
 Herrn Burgermeister vnd gantzem
 Rad der Statt Marburg/ sampt al-
 len vntersassen des Furstenthums zu
 Hessen wunsche ich Euricius Cordus
 der artzney Doctor vnd Pro-
 fessor Gnad vnd Fried ynn
 Christo vnserm Herrn.



R samen Weisen vnd Günstigen lieb-
 ben Herrn vnd Freunde/ Es hat mir
 meins G. H. Camersecretarius Jo-
 annes Raw von Norddeck heudt vnd
 vor dreyen tagen geschrieben/ Von
 eyner newen vngewohnten schreckliche
 Kranckheit/ so ynn vielen gegen mit
 nacht zur see zu/ vnd auch bey vnd bes
 neben vns gelegen Steten/ Flecken/ vnd Dorffen/ also yn
 kurzer zeit gewüttet/ das sie vber das drittheil der mens-
 chen hynweg genomen hat/ ehr auch das schnell gerucht
 durch so einen kürzen weg zu vns kommen ist. Vnd wolt
 Gott das es allein bey solchem gerucht verblieben / vnd
 nicht auch eben dieesse selbige Kranckheit mit yhm geyn
 Marburg eingeslichen wer/ Den yn dießer selbigen stund
 dar yn ich dies schreib/ ist hie ewr burger eyner mit dießer
 plage ergriffen/ Gott gebe vnd verleyhe yhm seyn gnad.

Die weilich nu durch vnsern G. H. vnd Landes-
 fursten / allher als eyn Doctor der Arzney / die selbigen
 2 ij hie ynn

Hie yn seiner S. G. new angerichten Hohenschül / zu lerē /
vnd dis meyn vatterlandt vnd heymet ist / will mir benes
ben Christlicher pfflicht von wegen beyd me yner professi
on vnd kyndtlicher mildt vnd trew geporen / Ehrst euch
Herren vnd Burgern zu Marpurg / bey denen ich mich
nieddergelassen hab / ond nachuolgendes gemeyner landt
schafft meynen Rath vnd hilff / wes mir des / der almech
tig Gott verluhen hat / widder dieße obgenanten feucht
mit zutheilen. Vnd das ich mit wenig worten meyn vor
nemen entrichte / will ich ehrst der krankheit wesen vnd
eygenthschafft kurzlich vberlaußen. Wiewol dieße schre
ckliche vnd eylend todende krankheit eyn gewisse Plage
Gottis ist / vber vns hochlich verdienten beyd Papistishe
vnd (wie man vns nennet) Euangelische ausgeschutt /
das yhene / seyn Gottlich wort so tyrānisch verfolgen / vñ
dieße / die das selbige angenommen haben / so vnd anckbar
verachten / so entspringt sie doch durch naturlich mittel /
als nemlich aus etlichen vncorperlichen eygenthschafften /
vñ sunst andt eusserlichen verwādlungen / damit der lufft
daryn wir weben / verruckt vnd vergiffet viele menschen
so durch yhre natur vñ cōplexion der entpfelich seynd / an
sticket / das yhr geblüt mit erhitzter fewle entzündt / vñ yn
todend vonein verwādelt wird. Denn es leret vns die hohe
vnd werde kunst der Arzeney / Das vnser lebē aus den lebē
digen geisten (wie wir sie nennen) vñ die selbigē geiste auß
dem aller saubersten vñ besten / beyd blut vñ lufft ym hertz
en gekocht / bereydet / vñ dar nach yn den ganzen leib ges
rieben / vnd zerteylet werdē. Man nu vnser speiß vñ drack
darauß das blut wird / entwider böße oder vberflüssig / vñ
der lufft beyd durch heymlichen ynfluß der sterne (wilche
Gottes dulmetcher seyndt) durch stete feuchte vngewit
ter (wie dis iar viel gewest) verruckt vñ vergiffet / ist vñ nö
ten / das das blut ym hertzē auch giffig sei / vñ den lebendi
gen geisten vntüchtig feitunge geb. Dar auß vñ not wegē
der schnel vñ gewisse tod folgen muß / doch yn einē ehe den
ym andern /

ym andern/darnach die giffte viel oder böffe/ die verlezlig
Klein oder gros ist/Denn ob wol das hertz kein verferende
gebrechen leiden kan/mügen sich doch wol die selbigē dar
an erheben/vnd den menschen bald tödten.

So beschleis ich nu/ das dis krankheit sei eyn schnell
ynwendig Pestilenzisch fieber / aus bossem vergiefftigem
blut des hertzen vnd vberiger verstoreter feuchtnung des
vmbbringēden hertzen schreyens aus bossem vnd vergieffti
germ laßte geursacht. Vnd ob yemant mir das nicht gles
ben wolt/darum das hie keine beulen am leibe auffaren /
dem antworten ich / das die grosse bosheit des schnellen
giffts dem hertzen vnd der regierenden krafft des ganzē
leibs nicht so viell stercke list noch frist gibt das sie es aus
treiben vnd yn beulen versamen künden.

Daraus folget/das man sich vor dieser plage mit als
len stücken vnd haltungen/ so der pestelentz entgegē seint/
bewaren sal vnd kan. Davon viele vnd mächerley bücher
von andern Erzten vor mir weitlaußtig beschriben sein
die nit not ist hie widderzuholen. Allein,dis ist izt ym der
eyle mein getrewer rat/vnd ernste warnung/ Das sich ein
yederman/der sich fur dieser krankheit bewaren will/sich
zum ersten yrgent von eynem gelerten vnd erfarnen arzte
purgieren lasse/nach seiner natur (Die aus personlicher ge
gen wertickheit/vnd wol außgefragtem bericht/vnd nicht
allein dem harm/wie vnser Seichkicker das volck vberret
det haben/erkant wird) alter vnd der vierley vberflüssigē
feuchtnung/auch der zeit des Jars gelegenheit vnd eygen
schafft. Denn daran vil gelegen ist/das man nicht die gut
materien austreib/vñ die bösen sitzen laß/wie allenthalbē
viel landleuffter vnd trogener (so mit yhrer frenel vermess
senheit diße löbliche kunst so elend schendē) zu thun pfe
gen/ wann sie mit Colocynth odder nieswurtz vnd wolffs
milch (wilche gar scharpfe vnd böffe purgation seint) als
le krankheiten zu hehlen verheissen duren/Gott wird der
frenelen morder nit vergessen.

A iij

Darnach

Darnach vber ein klein zeit sal er mit desselbigen artz
es radt ein zymelich aderlaß thun. Vnd ein nüchtern mess
sig regiment ynn essen vnd drincken halten / wilchs nach
trockenheit vnd kelte gezogen sey / wie denn alle sawrlech
te vnd mit wenig essigs gekochte speise seynt / Zie woer gar
viel viel von yederer speis ynn sunderheit zu sagen / es will
aber die kurz dieß tractatins nit düllden / Der drucker ey
let ynn die mess. So findet man solchs alle ynn den oban
gezeigten pestilenzischen büchlin / wie man sich auch mitt
der lufft halten sall / Nemlich / das man den / so er böße /
fawl / stinckend / neblecht / verschlossen / vnd vn sauber ist /
mit allem fleiß vermeiden sal / vnd mit etlichen wolriechen
den kertzlin verandern. Vneben einem solchen wolgehal
tenem regiment muß er auch etlicher ertzneye / so das hertz
vnd die geiste starcken / sein blut für faulung vnd gifft er
halten / teglich brauchen. Vnd wie wol der selbigen viele
vnd mancherley ynn weitleufftigen büchlin bey manchen
Arztē funden werden. Laß ich mir diese nachfolgende stu
cke ynn der eyle auff dis mal gefallen. Dero beschreibung
ich zu teutsch stellen wil / das ein yeder yhm selbst mache /
ob er die stücke bekomenn künde. Doch wil ich sie hie mir
auch bereitē lassen / denn ein yederman kan mit diessen din
gen nit vmbgan.

¶ Pillen vor diese schreckliche plage.

Wym des besten aloes / das man nennet succotrinam /
v. loth / Mastich / Myrrhen / yedes. ij. loth / guten orientat
lischen saffran. i. loth / zubereiten Coriander vnd kömel / ye
des. iij. quinten / Tormentil wurzel. iij. loth / Roten bolus
ij. loth / Gesiegelte erde. i. loth / Der Kleinen basilien samen /
Citrinat apffel samen yedes. ij. quinten / Sawrampffer sas
men dritthalb quinten / Behenwurzeln weiß vnd roth / ye
der i. quinten / Weiß vñ roth sandeln schab yedes ein halb
quinten / Paradeis holz / Casie lignee yedes nicht voll ein
halb

halb quinten / Creutz auß eins hirschen hertzen / Roth Col
rallen / Gebrand helffen bein / yedes ein halb quinten. Sto
ffe yedes ynn sunderheit zu puluer / menge zusammen / vnd
mach ein teiglin / bistu bey einer Apoteken / mitt sirup von
sawren Citrinat apffel safft / oder wo du den nicht haben
kannst / mit sawr ampffer safft / Dieser teig wird groß / vnd
konnenn yhn viel leuche bereiten lassen / vñ vnter sich theys
len / von der massa oder teiglin sal man allen morgen drey
pillen nemen / dero xij. ein quintin wegen / Vnd vber acht
oder vierzehen tage anderhalb quintin / Denn sie purgis
ren lynde / verbieten alle fewlung des bluts / starcken das
herze / machen guten magen.

¶ Ander Pillen auch fast gut.

Vym Aloes succotrini ij loth. Myrhren / Saffran ydes
j. lot / tannen schwam agaricus yn der Apoteken genant /
iij. quintin / Mirobalanorū citrinarū .ij. quintin / Chebul
larum anderthalb quintin (man findt solche stücke yn der
Apoteken) Dictam / Tormentill wurzel / yedes j quintin.
Mastich / Cammel / yedes zwey drittheil eyns quintins /
Spicanardi aus India eyn sechste theil eyns quintins /
Diessem odder Biessem / ym winter / ij gerstenkerner scha
war / ym Somer oder warmer zeit / Campher. iij. gersten
kerner / stos zu puluer eyn yedes yn sonderheit / menge mit
sawr ampffer safft / odder sirup von citrinat apffel safft
gemacht / brauche wie oben von den andern gesagt ist.

Ob aber etlichen weren / Die nicht Pillen cynnemen
konnenn / die sollen dis nachfolgenden kostlich Latwergen
brauchen / wilchs gar eyn gros krafft hat widder alle vrs
sachen daher sich obgemelte plage erhebt / dienet vor richte
leuth / doch kan sein der gemeyn man eyn gute nottdurfft
vmb eyn zymlich kauffen.

¶ Ein kostlich gut Latwergen.

Vym

Vym. Koten bolus / gesiegelt erden / yedes dritthalb
quintin / gepluert Bathonien bletter / Gamander bletter
Cist eyn nydder Kreutlin wechste bey den hecken yn gestalt
der krausen myntz odder balsen / darumb es hie auch wild
balsen heist / hat blaw lecht blümlin wachsen obē zur seitē
aus / Da her es auch eyne andern namē hiehat neben auss
genant / die Sachssen nennen es Kleyne Loya) Wacholter
beer / Neglin / Muscaten nüs) muscaten bloumen ymber /
Zeduar / yedes j. quintin / Osterlucy / Encian / Tormentil /
Dictam / Alantwurzeln / yedes zwey drittheil eyns quins
tins / Saluey / Weynrute / bachmyntz / Loerber / Sawer
ampffer samen / Citrinat apffel samen / Mastich / Wey
weyrauch / Kleyne Basilien samen / gebrandt helffenbeyn /
Schab von helffen beyn / Schab von Lynhorn (wo es yet
mant hette) Kott Corallen / Creutz aus eyn Hirschhertze /
Paradis holz / Sandeln holz gall dryerley / yedes ein halb
quintin / Perlin / Doronici (ist eyn wurzel yn der Apotes
ken) Saphyr / Smaragdē / yedes eyn dryttheil eyns quins
tins / Rossenzucker / Boragenbloumenzucker / Ochssen
zungenbloumenzucker / Weisse sehe bloumenzucker / (die
bloumen schwymmen auff den seen vnd deichen halb den
Rosen halb den Lilien ehlich) Sawrdacteln / Venedis
schen theriac / yedes ij. loth / gutenhut Zucker .j. pfundt vñ
eyn viertheil eyns pfundes Rosenwasser / Sawrampffe
wasser yedes souiel das gnug ist die gepulverten stücke sa
mpt dem zucker zu eynem Latwergen zumachen / Wans
heisse zeit wer soll man .vi. gerstenkorn schwar Kampffers
inn den wassern zerlassen.

Dis ist wie gesagt eyn Kostlich sicher Arzenei / widder
die vergiftige fewlung des gebluts / das hertze zu starckē /
fall eyner des morgens drey mal yn der wochen so gros als
eyn halb gude castany nemen / die stücke so dar yn gan fin
det man ynn den apteken schon bereydet / sonderlich die
eddel gesteyn / wilche eyn eygen vnd sonder arth haben /
wie man sie zureiben vnd bereyden soll dem gemeynen mā
vñ bes

vnberuſt / vnd ſeynt vmb eyn liederlichs feyle

Ob aber yemant den koſten vñ muhe nicht wolt oder
kündt an ſolche artzney wenden / der mag vergnuget ſeyn
mit den gemeynen pillen / die man alſo machen mag /
Nym des auſerleſen Aloes. j. loth / Myrrhen / Saſſran /
yedes eynhalb loth / menge dieſſe ſtuck vorhyn gepuluert
zuſamen / mache eyn hardt deiglin mit gutem weyn dauon
nym allen morgen odder vber den andern tag drey pillen
wie erbis / faſte drauff .ij. oder .iiij. ſtunde / alſo auch nach
den obgenanten pillen vnd Latwergen.

Es mag auch der menſch / den die obgenanten artzney
zu machen verdreufft / drey mal ynn der woche dauor
eyn gut halb quitin gutes Venediſchen Theriac nemen /
ſonderlich ym wynter / vñd ſunſt kalter zeit / odder wan
der menſch eyn kalte flegmatische complexion hette / Den
hitzigen / wolt ich nicht raten das ſie ſeyn ſtez brauchten /
ſonderlich / yn heiffer zeit / Es wer den das ſie ihn mit ſawer
ampffer wasser oder mit roſenzucker vermengt ynnemen.

Was ich vom Theriac geſagt / ſall auch von dem
Latwergen mitridatum genant / verſtanden werden / den
es iſt aus den hiſtorien kundig das der Konig vñd Artz
Mithridates / von wilchem als ehrſtem zuſammen ſetzer
dieſſe artzney yhren namen hat / Keyner gifft kündt ſterbē
Do er von den Romern vberwunnen yhm ſelbſt da mit
gern hette den todt anthan / Darumb das er mit ſolcher
artzney vorhyn bewaret / der gifft gepheget vnd ſie yhm
als ſeyn ſpeiſe vnſchedlich gemacht hat / Dis ſal aber eyn
yeder gewarnt ſeyn wer Theriac odder mithridatum ge
nomen hat ſal. v. ſtunde drauff faſten.

Die armen leuthe ſollen Koten zubereiten bolus oder
geſiegelt erde yn der Apoteken keuffen / vnd allen morgē
odder io vber den andern tag dauon .j. quintin ynn weyn
effig zu ſich nemen. ¶ So nu der menſch ſich rechte
dieſſem regiment heldet / vñ zimlich yſſet vnd drinkt / hab
ich Keynen zweifel Gott werd yhm fur ſolicher ſeucht gene
diglich

Biglich behüten. Darumb sollen die Schwelger vnd freß
ser gewarnet sein / das sie nicht mit yhrem rohen lebē / wan
sie dieser artzney brauchen / vnd mit hülffe / die waren vnd
werden Kunst der Artzney lügenhafftig / vnd verechtlich
machen. Denn wann sie schon die ganz Apotecck mit dem
Doctor schlungen / wurde sie nicht helffen / wann sie sich
nicht halten / Solche leuth (seynt sie anders leuthe zu nen
nen) solt man billich nicht annemen / Sonder als Kesser /
hewschreck / ruupen / schneckē / vnd andere vnnütze ges
würme / die den wein verderben vnd verheren / hin sterben
lassen.

Es ist offenbar vnd yederman bewußt / das das wasser
pfllegt feur zu leschen / das feur aber mag so groß sein / vñ
ein solch outüß / oder zunder habē / das des wassers feuch
te zu gering wer. Wan ein gemeyn feur ynn einem wald
brennet / müssen die durren spachern / reiser vñ gerische an
halten / so bleiben die feuchten grossen boume sicher stan /
Wo aber das feur zu groß vnd langwerig beharret / bren
nen sie alle mit eyn / vnd (underlich wann sie eyn feuchte
die solchs feur neeret / bey sich haben / also ist vor kurze
zeit ein groß theil / des hartz abgebrant / Dis gleichnis mit
cket / vnd seit gewarnet.

¶ Wie sich der so mit dieser feucht begriffen
wird / halten soll.

Ich zum andern theil der artzney / vnd anderer an
belagung / so ynn der noth zu reichen vnd zu gebieten seyn
kome. Will ich ein kleins von den zeichen dieser Kranck
heit sagen. Zum ersten / komet den menschen diese Kranck
heit an / mit friesen zittern / oder grieseln / Vnd ist dis die
ursach / Wann der leib voller bößer vbriger feucht ist / die
aufferhalb den adern erfawlet / vnd durch die erfeulung
erhizet / vnd zu letzt den gliedern schadet / komet zu sam
men die natürlichen krefftē / so den leib regieren / vnd er
retten

retten/sampt der natürlich hitz vnd blut/ bringen sich ym
die ynwendigen glieder/da die bösse matery vñ feuchtigt
keit ist/ greiffen sie an auszutreiben/so werden die eussern
theyl des leibs von denen verlassen, vñnd folget also eyn
frost/ Den frost aber fülen noch haben etliche nicht /sun
dern allein die hize / Das kompt/wan obgenante kreffte
nicht mit einer sollichen gewald vnd menige zuruckelaus
ssen.

Wann sie aber den feynd ergrieffen vnd gefasset ha
ben/kommen sie mit grosser hize erfur/vnd treiben yhn/
so viel yhn möglich/erauß/ wilchs nicht sein kan/ sie müß
sen yhn denn ehrst ynn groben dampff / darnach ynn sch
weiß verwandeln/ Tu ist der schweis nicht anders/dann
ein gutte natürliche purgation/ der selbigen bössen feuch
tung/ wilche/ so sie ym leibe bliebe/ das hertze erstickete/
vnd die lebendige geiste (wie oben gesagt) verdempffete
vnd ertöde.

Darauß folget/das ein yeder/so mit dieser krankheyt
ergrieffen wird/sich bald zu betth mache / auch ynn den
kleidern/ob er die eben anhetze/vnd dem schweiß phlege/
allenthalben/on das angesichte/wol vñ warm zugedeckt
Dochnicht zu heisse/ das die natürliche hize vñ kreffte/ so
diesse purgation wirken/nit mit dem selbigen schweis er
aß gelockt/ verschwinde/ Darümb werden auch die plu
men beth vnd pelzdecken verboten/ wilchs man doch ni
cht zu seher superstitios halten muß /denn wo kein ander
decke were/muß man solche fur gutt annemen.

Allein darynn sall man fleysig seyn/das der krank
wol verstopfft/von dem kalten lufft nicht angewehet/
noch der schweyß zu rucke getrieben werde. Vnd ob man
wolte den schweyß abwischen/ wilchs fast gutt wer/ so
salses mit weichen warmen leinen düchlin/synlich / sonder
boudeln vnd auff hebung der decken/geschohen/ Denn es
mag leichtlich dem krankten ein grieselung/dadurch die
schweßlocher sich zu zihen/ erregt werden.

B ij

Hie ist

Zie ist zu wissen/das bis ein sehr schnell vnd aller scher
ffeste krankheit ist/die yhre Crisim (wie wir sagen) das
ist yhre vrtheyl ym ersten anstoß mitbringt/vñ. xxiij. stun
den mit solchem schweyß vollendet/ Drumb das yhre ma
tery wüttet/vnd wie es Hippocrates nennet/brunstet/sal
man die natur mit keiner anderen purgation als dan ver
hyndern/noch mit etwas anders von solchem yhrem kam
pffe abfordern/sundn dahyn helffen/dahyn sie den seynd
außtreibt.

Drumb danckte mich nit geraten/das mā dem krankten
solt bald essen vñ drinckē geben/ Denn wo die speiß yn ma
gen genomē/wurde die natürlliche krefft sich dahyn/diesel
bigen zu kochen helffen/müssen theylen/vñ auff der andn
seiten villeicht vnterligen/odder io mangeln/ Es kan der
Krank ynn solcher kurtzer zeyt hungers halben nicht gesch
wecht werden.

Das ist aber mein radt/das man die natur stercke / vñ
das leidende hertz beware mit etlicher eingnomener arze
ney/die dem wütende giffte stewart/vnd doch gleich sehr de
fliessend schweiß fordere/Dargu finde ich ein edle vnd bes
werte arzeney/dero ein Hochgelerter vñ berümpfter Arzt
ynn Welschland/Alexander Benedictus genant/ynn sol
chem fall stet gebraucht/vnd sie keinmal betrieglich sun
den hat/Na ich hab selst diese arzeney auff einen tag acht
personen ynn Sachsenlandt geben/seind sieben auffgestā
den/die achte nam sie zu spat.

¶ Folget der Dranck.

Nym Hertzpuluer (so nennet man ynn der Apoteken
eyn puluer aus edlen steinen/vnd andern guten stücken ge
macht) ij. quintin/Schab vñ hirtzhorn. j. quintin/ wurm
kraut/nit das die marcktrogener verkeuffen/Sender das
man yn der Apoteken semen Santonicū nennet/an ein
geschlecht der wermut bey Genua wachsend/ Myrrhen/
yedes ein halb quintin/menge wol durch eynander.

Davon

Da von nym .j. gut quintin / gib dē Krancken so er nūch-
tern ist (sonst weis ich nicht obs so wol hilfft) ym ehrsten
anfang mit warmen weynessig decke yhn allenthalben on
das angesicht woll zu / laß yhn schweitzen.

Weiter soll man den Krācken mit andern hertz starck
ūmb laben / vnd io zu sehen das man nicht zu viel stipticis
das ist Arzney die zusamen zihen vnd stopffen / brau-
che / das der schweiß nicht verhindert werde. Meynem
gestrigem Krancken / dem Gott widder auff gehulffen
hat / Hab ich diesse hertzstarckung yn der eyle / die weil die
zeit des vorigen drancs fur vber war geben. Ich nam
hertz Puluer .j. quintin Boragen bloumen zucker / sehes
bloumen zucker / yedes anderthalb loth / Rosemarinblou-
men zucker .j. loth / Venedisch Theriack eynhalb loth / Si-
rup vō sawr citrinatapffel safft / so viel gnug war aus dē
eyn dunne Latweg zu machen / gab yhm das / lies yhn da
von io eyn wenig lecken / befandt er bald pluzlige kressste /
schwizte furt an gleich sehr.

Ich macht yhm auch eyn wasser da mit ich yhn den
vbermundt / vnd die nasflocher bestreichen lies / das hielt
iij. loth rosen wassers / j. loth sehe bloumen wassers / ij. loth
weynessigs / dar yn war .iij. gersten Kornschwar Diessem zer
reibē / Ich lies auch yn der kamern vñ let kertzlin rauchern
vmb des stinckenden schweis willen / Solche vnd der gleis-
chen wolschmackend rouche mag man mancherley ma-
chen / Die armen mit vmbherrgelegtem obs / doch weren
die apffel dar vnter besser dan die beren / odder quiten / ist
anders war / das etlich schreiben / die bieren solten solche
krafft yhrer stipticitet / das ist / zusamenziehung von sich
lassen / das auch die weiber yn den kamern / dar yn biern lei-
gen / schwerlich geben solten.

Ich wil hie nicht leren / das man den Krancken / ob yhn
hungert oder durste / solt schmachten lassen / Sondern was
guts weichlichs / vnd das leichtlich yn magen zu kochen
wer / vnd bald starckung brechte / geben / Doch das nit vō

B ij gewurze

gewurte/oder sunst ein eusserliche hize habe/sunder law
sey. Als ein gestossen hünlin/ Ein seufflin auß eygger tod
tern/weyn/wasser/essig/ vnd saffran zugemacht.

Des gleichen fall auch der drancf sein/eyn schlechter
sawrlechter dunne weyn/mit sawrampffer wasser gemen
gt/ym weyn landt/ Im byer land eyn gemein clar dunne
byer/das es keyn vapores zu heubefuhre/wilche doch on
das yn solcher kranckheit auffsteigen/das der krancke vn
synnig vn mit eynē vnuberwinlich schlaff beladen wirdt/
wilch ich an vorgeantem krancken gesehen hab.

Solcher auffsteigung fall man mit essig vnd Rosen
wasser verbieten/wan ihm begynnet das heubt wee zuthū
die selbigen auff die stirn doch nit zuviel streichen/auch
fallman yhm den schlaff yn den .xxiiij. stunden nicht gesta
ten/sonderlich mit essig die nasseloche wol bestreichen vn
wacker halten/Vrsach/wann eyn mensch schlefft ziehen
sich die ynwendigen geyste vnd das geblute zum hertzen
vnd furen also die giff mit sich.

Wan aber die zwoe bosse zufelle nicht mogen ver
hindert noch zuruckgerieben werden/wie ich auch gese
hen/sal man den krancken waren vnd halten/das er stille
ym bette bleibe/die decken allenthalben verstopffen/das
keyne kalte lufft zu yhm kom/ob er vngeduldig sich mit
vngestumigkeit oberwurffe.

Nach den verlauffen .xxiiij. stunden wan diesse Cris
sis geschehen ist/mag man den krancken auff heben/doch
fall er ehrst mit eynem weichen reinen tuchlin vor hyn vn
ter der decken den schweis wol abwischen/vnnd eyn reyn
warm hembd anlegen/darnach warm bekleidt bey eynem
camyn oder sonst eynem andern feurt gesetzt/vnd wo ers
begeret mit gutter speis erquicket werden/Vnd darnach
sich wider zu bette/wilchs mit frischen warmen leylachen
bereyt sey/begeben/Vn also lang bis er seyn vorige macht
befindet/etliche tage herten/mit fleissigem auffsehē/das
er sich vor der lufft beware/Denn dar an ist yn dieser ganz
gen.

zen Franckheit vil angelegen wie das die vernunfft gibe/
vnd die erfahrung geleret hat / yn den landen so mit diesser
plage heymgesucht sein.

Also viell will ich ym der eyle auff dis mal von dies
ser schrecklichen Franckheit geschrieben vnd eynen yet
dern das gebetten haben / Das er auff solche regiment als
so trawen wolt / das er Gott dem allerbesten Arzt seyne
ehr lasse / Vnd yhn vmb die sicherst vnd gewisest arzet
ney hertzlich bitten / der wolt vns vor dieser schreck

lichen plage schutzen vnd schirmen) Vnd
seyn wort bey allen volckern

scheynen vnd hirs

schen las

ssen / **A M E N.**

Geben zu Marburg auff

Donnerstag nach Egidij / Im Jar

vns Herrn **M. D. Vnd xxxix.**


Gedruckt zu Marburg am Samstag

nach Egidij / **M. D.**

xxxix.

Faint, illegible text, likely bleed-through from the reverse side of the page.





153980

AP: 153980

3
ULB Halle
002 165 090


TA 70L

153980





zu Ein
Wie man
ge/ Der K
waren/ N
wird/ da
Kur

la
be
fen

56

